



REPUBLIKA E SHQIPËRISË
GJYKATA E SHKALLËS SË PARË E JURIDIKSIONIT TË PËRGJITHSHËM ELBASAN

PROCEDURAT QË NDJEK GJYKATA E SHKALLËS SË PARË TË JURIDIKSIONIT TË PËRGJITHSHËM ELBASAN PER DHËNIEN E INFORMACIONIT.

Gjykata e Shkallës së Parë e Juridiksionit të Përgjithshëm Elbasan në zbatim të së drejtës për informim i referohet:

- Nenit 23 të Kushtetutës së Shqipërisë i cili sanksionon të Drejtën për informim, si një ndër të drejtat themelore të individit. Sipas kësaj dispozite, përcaktohet se:

“1. E Drejta për Informim është e garantuar; 2. Kushdo ka të drejtë, në përputhje me ligjin, të marrë informacione për veprimtarinë e organeve shtetërore, si dhe të personave që ushtrojnë funksione shtetërore; 3. Kujtdo i jepet mundësia të ndjekë mbledhjet e organeve të zgjedhura kolektive. Përmes përcaktimit të saj si një e drejtë kushtetuese, garantohet respektimi i një të drejte themelore për sistemin e organizimit politik e institucional të shtetit ligjor.”

- Ligji nr. 8503, datë 30.06.1999, “Për të Drejtën e Informimit për Dokumente Zyrtare”, ku njihet e drejta e informimit të çdo qytetari për veprimtarinë e organeve shtetërore, si dhe të personave që ushtrojnë funksione shtetërore. Sipas këtij ligji, të drejtën për të kërkuar informacion për dokumentet zyrtare e ka çdo shtetas shqiptar, i huaj, person pa shtetësi, si dhe personat juridikë.

“Neni 3/1 i ligjit të sipërpërmendur përcakton edhe format në të cilat mund të kërkohet informacioni: me gojë ose me shkrim, pa qenë e nevojshme të jepen shpjegime për arsyet ose motivet e kërkesës, ose dokumentacion shoqërues. Çdo qytetar mund të marrë informacionin e kërkuar me shkrim, me gojë, postë elektronike etj.”

Nisur nga nocioni i interesit publik, çdo kërkesë për informacion trajtohet duke balancuar ekuilibrin mes përfitimit dhe humbjes së mundshme që mund t'i shkaktohet interesit publik nga lejimi ose nga kufizimi i së drejtës së publikut për t'u informuar, pasi që si çdo e drejtë, dhe e drejta për informim ka detyrimet dhe kufizimet që duhen trajtuar me kujdes dhe përgjegjshmëri të veçantë për çdo kërkesë për informacion, ku prevalon interesi më i lartë publik. Nën detyrimin e parimit të trajtimit të kujdesshëm të çdo kërkesë/ankese për informacion publik dhe mediatik i nëpunësit

përgjegjës për dhënien e informacionit kanë detyrim të konsultohen dhe referohen për dhënien e informacionit në:

- Ligj Nr. 119/2014 “Për të Drejtën e Informimit”;
- Ligj Nr. 9887, datë 10.3.2008 “Për Mbrojtjen e të Dhënave Personale”;
- Ligj nr. 98/2016 “Për Organizimin e Pushtetit Gjyqësor në Republikën e Shqipërisë” i ndryshuar;
- Urdhër Nr.6777/5, datë 30.9.2010 për miratimin e rregullores "Për Marrëdhënien e Gjykatës me Publikun";
- Ligjin Nr. 96/2016 “Për Statusin e Gjyqtarëve dhe prokurorëve në Republikën eShqipërisë” i ndryshuar;
- Ligj Nr. 97/2013 “Për Mediat Audiovizive në Republikën e Shqipërisë”;
- Ligj Nr. 8457, datë 11.02.1999 “Për Informacionin e Klasifikuar Sekret Shtetëror” (Ndryshuar me ligjin nr.9541, datë 22.5.2006) (Ndryshuar me ligjin 25/2012);
- Kodi i Procedurës Civile dhe Kodi i Procedurës Penale të Republikës së Shqipërisë;
- Si dhe çdo ligji tjetër në fuqi, udhëzime dhe urdhëra për zbatim të Këshillit të LartëGjyqësor në funksion të ushtrimit të detyrës.
- Vendim nr. 716, datë 06.12.2023 “Për miratimin e udhëzuesit standard të marrëdhënieve të gjykatave me publikun dhe median”

Zyra e Marrëdhënieve me Publikun dhe Median në Gjykatën e Shkallës së Parë të Juridiksionit tëPërgjithshëm Elbasan kujdeset që gjatë përcjelljes së informacionit me publikun komunikimi dheinformimi i tij për kërkesat për informacion të mediave dhe palëve të jetë i saktë, i qartë dhe i kuptueshëm, duke mos cënuar interesin publik për të arritur krsitalizimin dhe lartësimin e opinionit dhe qëndrimin të publikut ndaj Gjykatës së Shkallës së Parë të Juridiksionit të Përgjithshëm Elbasan, nëpërmjet një komunikimi të shpejtë, të saktë në përgjigje të kërkesave dhe informimit tëpublikut për çështjeve me karakter të përgjithshëm dhe përcaktues.

Zyra e Marrëdhënieve me Publikun dhe Median në Gjykatën e Shkallës së Parë të Juridiksionit tëPërgjithshëm Elbasan në zbatim të drejtës për informim duhet të ruaj komunikim korrekt me grupe të interesit dhe mediat duke dhënë informacionin në përputhje me një vleftësim paraprak të ligjshmërisë së tyre për t`u informuar dhe duke ju përmbajtur qëllimit dhe përgjegjësive të pozicionit me kthimin e përgjigjeve brenda afateve që parashikon ligji për kërkesë/ankesat.

Duke vlerësuar që deklarata për shtyp është një instrument eficient për shpërndarjen e

informacioneve në mënyrë të saktë si edhe një mënyrë efikase për të mirëinformuar publikun me çështje të interesit të lartë publik Gjykata ka reaguar shpesh me deklarata për shtyp për të qartësuar opinionin publik për çështje me interes të lartë publik, me miratimin dhe respektimin e dakordësisë për publikim të tyre nga gjyqtarët e çështjeve, duke i kushtuar rëndësi faktit që përçimi i mesazhit në deklarata të jetë korrekt i saktë dhe në përputhje me vlerësimin për publikim të gjyqtarit të çështjes.

Në kuadër të plotësimit të kërkesave të Planit Strategjik të Komunikimit, dhe detyrimit për transparencë Gjykata e Shkallës së Parë e Juridiksionit të Përgjithshëm Elbasan, përditëson llogaritë e rrejteve sociale dhe faqen zyrtare të gjykatës www.gjykataelbasan.gov.al në rubrika të ndryshme të saj me informacione të vazhdueshme.